

Turismo y inversion a presta bon durante e prome tres trimesternan di 2019

Comunicado di Prensa¹

24 di april, 2020

Awe Banco Central di Aruba (BCA) a publica “State of the Economy” pa e prome tres trimester di 2019. E publicacion aki ta duna un sinopsis di e desaroyonan economico local y internacional di e periodo aki. E puntonan mas importante relaciona cu e parti domestico ta presenta abou, incluyendo un resumen di e indicadornan economico principal.

Data disponibel ta indica cu durante e prome tres trimester di 2019, economia di Aruba tabata empuha principalmente pa e sector turistico y actividadnan di inversion. E sector turistico a presta bon apesar di e trayectoria continuo di bahada den e mercado Venezolano, mientras cu e sector hotelero a mostra resultadonan positivo. E indicadornan di consumo ta presenta un bista mixto pa consumo domestico. Confiansa di consumidor a bira mas pesimista. Mayoria indicador di inversion ta indica un aumento den actividadnan di inversion, maske e indice di percepcion di negoshinan (BPI) a keda riba un tendencia di pesimismo den e di tres trimester di 2019.

E tasa di inflacion promedio anual tabata 4,1 por ciento na september 2019, e resultado di prijsnan mas halto pa cuminda y di un subida den e prijs di cierto servicionan di comunicacion. E tasa di cambio real di e florin vis-à-vis e dollar Mericano a bin ta subi constantemente desde e prome trimester di 2018.

Aruba su deficit comercial a yega te na Afl. 1.548,6 miyon den e prome tres trimester di 2019, locual ta un reduccion di 0,8 punto di porcentahe compara cu e mesun periodo di e aña anterior.

E cuenta coriente di e balansa di pago a registra un surplus di Afl. 192,7 miyon den e prome nueve luna di 2019. E surplus aki tabata substancialmente mas grandi cu den e mesun periodo di 2018, aumentando cu Afl. 169,5 miyon. E expansion aki tabata principalmente relata na e prestacion fuerte di e sector turistico cu a hisa e surplus riba e cuenta di servicio cu 6,3 por ciento.

¹ E original na Ingles ta prevalece.

E cuenta financiero a resulta den un prestamo netto na exterior di Afl. 177,0 miyon den e prome tres trimester di 2019, cual ta un crecimiento di 174,8 miyon, compara cu e mesun periodo di 2018.

Placa den circulacion a aumenta cu Afl. 9,0 miyon na september compara cu december 2018. E crecimiento di e placa den circulacion tabata causa pa un expansion di Afl. 113,0 miyon den e activa domestico netto, cual a wordo mitiga pa gran parti pa un caida di Afl. 104,0 miyon den e reserva di divisa, relata na pagonan di prestamo priva reciبي for di no residentenan y compra di accion capital for no residentenan.

Den e prome tres trimester di 2019, gobierno di Aruba a registra un deficit financiero (a base di cash) di Afl. 22,2 miyon, of 0,4 por ciento di e PDB estima, un mehoracion di Afl. 30,1 miyon compara cu e mesun periodo di 2018. Entradanan di gobierno a subi cu Afl. 96,0 miyon, impulsa pa aumentonan den tanto entradanan di impuesto y entradanan no relata na impuesto. Gastonan (a base di cash) a crece cu Afl. 80,5 miyon, causa principalmente pa un aumento den gastonan pa bienes y servicicionan.

Tabel: Indicadornan economico principal pa e prome tres trimesternan di 2019

Indicador	2018 Jan-Sep	2019 Jan-Sep	Cambio
Ingreso hotelero pa camber disponibel (US\$)	151	166	15
Cantidad di turista	809.314	848.844	39.530
Bishitante di crucero	568.261	555.525	-12.736
Permiso di construccion (Afl. miyon)	243	298	56
Importacion di machinaria y aparatonan electronico (Afl. miyon)	244,7	237,2	-7,5
Entrada di BBO (excl. BAVP, Afl. miyon)	79,6	83,0	3,4
Impuesto riba entrada y ganashi (Afl. miyon)	353,8	338,5	-15,3
Tasa di inflacion, promedio anual (porcentahe)	2,3	4,1	1,8
Indice di confiansa di consumidor (di tres trimester, punto di indice)	94,3	94,0	-0,3
Ratio di debe di gobierno na PDB	77,7	73,5	-4,2

Fuente: CBA, AHATA, ATA, CBS.

E publicacion completo ta disponibel riba BCA su website (www.cbaruba.org).